

VIII, 12. 36.-38. Cap. XVIII, 8. 1. Cor. I, 14. sed sine dubio etiam
infantes, quorum quoque per fidem regnum cœlorum est, Marc.
X, 14. Act. XVI, 33.

2. Faciebat omnino fœderatum circumcisio, Gen. XVII, 14. coll.
cum, Exod. IV, 24. 25.

3. Etiamsi non regenerantur infantes per verbum, sicuti æta-
te adulti, in quibus fidem verbum dat & baptismus confirmat;
do nantur tamen a Spiritu S. fide in Christum, & regenerantur
in ipso baptismo, initiationis Sacramento, infantes, licet non ma-
gis ceremoniam baptismi, quam verbum intelligent, Matth.
XVIII, 6. Marc. IX, 42. 1. Petr. III, 21. ad Tit. III, 5.

4. Etsi non omnes adulti, qui ante baptismum jam per ver-
bum fidem habeant, necesse est, Spiritus S. regenerantis ēvōpytav
sentiant in actu baptismi; donantur tamen eadem, & confirman-
tur in fide, quæ deinceps per amorem debet esse operosa in re-
novatione: Id quod Simon Magus, secus faciens, probe obser-
vare debuisset utique, Act. VIII, 13. 18-24.

5. Omnes, per verbum DEI informati, jam ante baptismum,
fideles & regeniti esse debent, ut saltim per baptismum confir-
mentur in statu gratiæ, Act. II, 41.

6. Quamvis dona DEI sint perpetua, & cum salute ejus, qui
sibi in individuo vera cordis fiducia applicat, necessario cohærent;
Rom. VIII, 29. non omnes tamen infantes salvantur: quoniam fi-
dem, in baptismo acceptam, iterum amittunt, crescente ætate,
ac per consequens in vanum gratiam DEI recipiunt, Act. XVIII,
8. coll. cum 2. Cor. VI, 1.

7. Solus sanguis Christi purgat nos ab omni peccato, 1. Job, I,
7. 1. Cor. VI, 11. Epb. V, 26. & hic īest baptismo, 1. Petr. III, 21.
coll. cum Apoc. I, 5.

CAPVT